

2. Kum 2017 January le February a ei missionary hai lawman hmuthalo hai thanguina ding le mission quarter repair na ding le bawlna ding, hmun inchawkna dinga thanguina ei ngen han ahnuoi a ang hin an hung pek:

- 1) Pi, Gloria Ramneimawi, New Lambulane ₹ 20,000 (sing hni).
- 2) Pi, Lalnilien & family, Kanchipur, Imphal ₹ 5000 (sang nga.)
- 3) ELCF Fellowship ₹ 2986 (Sang hni zakuo sawmriet le paruk)

3. Pu. Lallienkhum Tlangte, New Lambulane in ei Missionary Letter insuona dinga sengso ding ₹ 2000 (sang hni) a hung thawn a. Ama zarin ei rawngbawlna le sermon hai ei hung insuo thei a nih.

Hi a chung a ei hei tarlang ta hai po po leiin Pathien chu inpakin umsienla, Hi neka nasa lem Pathien ropuina dinga an pek nawk pei na dingin Pathien malsawmna petu po po han tamtak an dawng pei theina dingin tawngtaina in lo hreseng ei tiu. 43 mel khuo a biekin bawlna ding rangva le thing inchawk vawng anta a. A miruok chu Forest Department haiin thing le thingatna hai manin an invak zinga, ruo a sur zing bawk leiin sin la hei tan el thei a la ninaw a, chuleiin biekin hi bawl ani ngei theina dingin tawngtaina a lo hreseng dingin ei inngen tak zet. Chun 43 mel le 41 mel a Mission quarter bawlna ding hmun (ram) ei la hmu naw a, hikhom hi peka ei um vatna dingin Pathien kuomah ngen ei tiu.

CRUSADE

Dt. 16-18 December 2016 khan JPMW Missionaries hai ta ding bika crusade Upanagar a hmang a ni a. Speaker Evan. Laltharlawn a inthawkin Pathien thu thatak tak ngai thlak a nih.

Missionary Chawmtu thar

Unau, Kuki Baptist Church, Half Nagarjan, Dimapur, Nagaland haiin thlarau bohmanghai an hmangai leiin Cheng ₹ 3500 in, January 2017 a inthawkin thlatinin Evan Sujit Debbarma an hung chawm (sponsor)a, Pathien kuomah lawmthu hrilin, Pathien malsawmna tamtak an dawng pei theina dingin tawngtaina ah lo hreseng ei tiu.

PALM SUNDAY

Dt. 09/04/2017 a Palm Sunday ei hmang khan Upanagar khuo a ei ringthar hai leh Hossana tia Lalpa inpak a khawlai kan suok tan lai biekin compound a inthawkin kel (goat) pakhatin a mi zui a. Tlangval han lamlawn a sukbuoi ti a an hnawthmang khomin a hung nawk pei a. Chuongchun, kan kir tieng chun hung kir ve peiin kan lai a thang ve pei a. Biekin compound chen a mi zui kir a. Hi kel hi hindu hai ta a nih.

Missionary thar

September 2016 khan Missionary thar Tv. Sorbo Reang le Mr. Sujit Debbarma lak thar an ni a. Tv. Sorbo Reang hi 41 Mel (Raihamsa Para) ah a thawk a, Mr. Sujit Debbarma ruok chu 4 Mel ah a thawk. Thlarau bohmanghai tamtak sansuoktu an hung ni thei na dingin tawngtaina ah lo san zing ei tiu.

August 16, 2016 to July 23, 2017 Sunga ringthar khuo hran a Baptisma ei pek hai:

28/08/2016	Biladan Para	2
28/08/2018	Chamulsora	1
02/10/2016	Chand Kumar Para	1
27/11/2016	41 mel (Raihamsa Para)	2
29/01/2017	Tuidu	1
12/02/2017	Chand Kumar Para	2
13/02/2017	Chand Kumar Para	4
26/02/2017	Kathalbari	1
19/04/2017	41 mel (Raihamsa Para)	2
23/04/2017	Upanagar	1
07/05/2017	41 mel (Raihamsa Para)	1
13/05/2017	Biladan Para	3
11/06/2017	41 mel (Raihamsa Para)	3
18/06/2017	Upanagar	6
09/07/2017	Biladan Para	4
23/07/2017	43 Mel (Atharamura)	1

Join, Bless and be blessed with

Halleluia Conference 2017

To be held at Khedernal on the 29 Sept.-01 Oct.2017.